



КОМСОМОЛОНЬ ВАЙГЯЛЪ

ВЛКСМ-нь МОРДОВСКИЙ ОБКОМЪ И САРАНСКИЙ ГОРКОМЪ ГАЗЕТАСНА

ИЮНТЬ
3-це шистонза
1941 кизоня
61(1857)
Питнец 10-тр.

ЭРЬ ТРУДЯЩАЙСЬ ДОЛЖЕН УЛЕМС ЗАЙМАС ПОДПИСЧИК

Тячи печатласаск СССР-нь Народнай Комиссаронь Советъ постановленинц Колмоце Пятилеткань (нилеце кизонь выпуск) Государственной Займать нолдаманц колга, конац нолдаф 9,5 миллиарт цалковайнь суммас.

Сембе советский народсь, социалистический отчизнаекомь сембе патриотонза оцю удовлетворения мархта васьфтеазь СССР-нь Совнаркомъ постановленинц. Сон выражает государство и минь родинаекомь сембе трудяекомь кровной интересон. Тя народнай кредитсь государственати максимь возможность, штоба минь странаньке улець сядонга могущественнай и козя.

Государствати трудящайхень максф средствасон лангс улихть строяфт аф фья кемонь фабрика и завод, шахта и рудник, лама километра машинаки, МТС, сядот од школа, клуб, театр и лия культурно-бытовой учреждения. Краснай Армиясь и Военно-Морской Флотсь получають родинае араламанцты од первокласснай танкат, самолетт, пушкат, подводнай лодкат, корабльхть.

Кизоста-кизос касы минь странанькомь бюджетот. Народнай хозяйствати тя кизоня ули расходовандаф 215,4 миллиард цалковай, капиталовложениянц 57 миллиард цалковай, социально-культурнай мероприятиянц 47,8 миллиард цалковай. 70,9 миллиард цалковай СССР-нь Верховнай Советъ VIII-це Сессиянц решениянц коряе ассигновандаф странанькомь оборонавцты.

Государственной займатнень эзда кочкаф средстватнень ламосна молихть местнай бюджетнени хозяйственной и культурнай строительстванди. 1941 кизоня республиканский и местнай бюджетнени максф 5 миллиарт 240 миллион цалковай отчисления. Тя кизотъ васень 3 ковонон пингста

местнай бюджетнени нолдаф 530 миллионда лама цалковай. Займась минь странасонк эрь рабочайть, крестьянц и интеллигентть—родной тевоц. Синь содасазь, што государственвати максф пандомда эрь цалковайсь—сядонга кемокнесы и виияфнесы минь общенароднай тевонокь.

«Максаскь кафта-колма недялян зароботканькомь пандомда социалистический государственаньконди» лозунгсь муь трудящай массатнень ёткса единокрушной поддержка. Займать коряс уполномоченнайхне сембе лаца должетт поддерживать сят трудящайхнень инициативасон, конатнень мяльсна максоме пандомда государствати ковоень зароботкасон. Сатоме сянь, штоба минь великай родинаекомь сембе трудящайнза сёрматфтольхть займас.

Ленинско-Сталинский комсомолсь тя почетнай тева должетт максоме оцю лезкс комсомотнени и уполномоченнайхнени займать размещениас. Сядонга кемоста келептемс большевистский агитациять, штоба сядонга курок и организованнайста ётафтомс займати подписать.

Оцю ответственность тя зачатать разрешандамаса прашенды велень комсомольский организациятнень лангс, а сембодонга паяк ся колхознень эса, коса аш партийнай организацият. Велень комсомолецне должетт возглавить колхознай крестьянствати инициативанц, келептемс келиста массово-политический агитациять и таргамс велень сембе общественность, штоба курокста и организованнайста ётафтомс тя важнейшай кампаниять.

Комсомолец, уледа активнай подписчикоск и помощникоск од займать размещениас!

Од займати подписать шарф-таскь советский патриотизмань грандиознай демонстрацияк!

ФИЛАНДСКИЙ ПОСЛАННИКЪ ПААСИКИВИ Г-ТЬ ПРИМАЗЕ СССР-нь СОВНАРКОМЪ ПРЕДСЕДАТЕЛЕЦ СТАЛИН ЯЛГАСЬ

30-це майста финляндский посланникъ Паасикиви г-нц ульсь Сталин ялгать ширеса прощальной визит мархта, сяе

мес туй посланниконь постста меки родиназонза. Беседась молись пале час-товнь пингс.

Паксяса агитмассовой работась

Каньгуш велень комсомольский организациясь явошть 23 агитатор, конат кемокстафт паксяса работай колхозникнень культурнайста обслуживандамост. Агитаторхне рабочайхнень ёткса вятихть вию агитация тундань паксянь работатнень инь нюрхкяня пингста аделамасон инкса, синь лувовдыхть газетат международнай положенинц и стахнов-

кай работань метотнень колга, ётафнихть общественнай темас беседат, паксянь станца путникхть постановкат.

Сембодя цебярьста агитмассовой работа вятихть Сабаев Иванц, Лушкинась и лиятне, синь колхозникнень ёткса пользованияхть оцю авторитетса. Ельниковский район.

В. Сабаев,
А. Икомасов.



ЗАЕМ ТРЕТЬЕЙ ПЯТИЛЕТКИ (выпуск четвертого года)
ЗАЕМ ТРУДЯЩИХСЯ СССР СВОЕМОУ СОЦИАЛИСТИЧЕСКОМУ ГОСУДАРСТВУ
ПОДПИСАТЬСЯ НА ЗАЕМ—ДОЛГ КАЖДОГО СОВЕТСКОГО ГРАЖДАНИНА

КОЛМОЦЕ ПЯТИЛЕТКАНЬ (НИЛЕЦЕ КИЗОНЬ ВЫПУСК) ГОСУДАРСТВЕННОЙ ЗАЙМАТЬ НОЛДАМАНЦ КОЛГА

ССР-нь СОЮЗОНЬ НАРОДНАЙ КОМИССАРОНЬ СОВЕТЪ
ПОСТАНОВЛЕНИЯЦ

Хозяйственно-культурнай строительствань задачатнень пашкодмасонды государственнай резерватнень виияфтомасонды и Советский Союзть оборонанц мошениц сяда тов кемокстаманцты населенинц сбережениязон привлечениасон инкса ССР-нь Союзонь Народнай Комиссаронь Советъ постановляет:

1. Нолдамс Колмоце Пятилеткань (нилеце кизонь выпуск) Государственной Займа 9,5 миллиарт цалковайнь суммас.

2. Займать нолдамс 20 кизонь пингонди 1941 кизонь ноябрь 1-це шистонза сявомок 1961 кизонь ноябрь 1-це шинц самс киза кваломь ниле процентста.

3. Займань облигациятнень и синь эздост дохотнень, сяка лувксса выигрышнень лангс аф путнемс государственнай обложенинц и местнай налокт и сборхт.

4. Кемокстамс Колмоце Пятилеткань (нилеце кизонь выпуск) Государственной Займать нодамаса условиятнень, конатнень представил ССР-нь Союзонь Финансонь Народнай Комиссариатсь.

ССР-нь Союзонь СНК-ть Председателем
И. СТАЛИН.

ССР-нь Союзонь СНК-ть тевоень
управляющай Я. ЧАДАЕВ.

Моску, Кремль.
1941 кизонь июнь 2-це шистонза.

КЕМОКСТАЗЕ СССР-нь НАРОДНАЙ КОМИССАРОНЬ СОВЕТЪ 1941 К. ИЮНТЬ 2-це ШИСТОНЗА

Колмоце пятилеткань (нилеце кизонь выпуск) Государственной Займать нолдаманц условиянза

1. Колмоце пятилеткань (нилеце кизонь выпуск) Государственной Займась ащи кафта выпуска: беспроигрышный и процентнай.

Беспроигрышный выпусконь облигациятнень коряс сембе дохотсь панневи выигрышнень формаса, а процентнай выпусконь облигациятнень коряс—купотнень коряс процентонь пандозь.

2. Займать эрь выпусконь явошнени разрядга 100-нь миллион цалковай эрь разрядса.

Эрь разрядса ащи 20 тежянь серияста. Беспроигрышный выпусконь эрь разрядть сериязон улихть номерна 100.001 номерста сявомок 120.000 номерти модемс, а процентнай выпусконь—180.001 номерста сявомок 200.000 номерти модемс.

Эрь сериять облигациязон улихть номерна 1 номерста

сявомок 50 номерти модемс.

3. Колмоце пятилеткань (нилеце кизонь выпуск) Государственной Займась ноляви беспроигрышный выпускть коряс 500, 200, 100, 50, 25 и 10 цалковайнь достоинствань облигацияса и процентнай выпускть коряс 500, 200, 100, 25 цалковайнь достоинствань облигацияса.

500 и 200 цалковайнь достоинстваса облигациятне ащихть фья сериянь соответственна вете или кафта сто рублевой облигацияста вете или кафта номер мархта и максихть права:

а) беспроигрышный выпускть коряс 5 или 2 выигрышнени, конат фья пингть прсихть ся номерхнень эзда кажвайти, конат сёрматфт облигациять лангс;

б) процентнай выпускть коряс облигациять нарицатель-

най питненц эзда процентнай дохотди.

50, 25 и 10 цалковайнь достоинстваса облигациятне ащихть сяда цалковайнь облигациятнени пальксоск максихть права сяда цалковайнь облигацияти сави выигрышнень или процентнай дохотдонь соответствующай долянди ($1/2$ $1/4$ $1/10$).

Примечания: 25 и 10 цалковайнь достоинстваса облигациятне арвсффт подписчикнень мархта расчетонди аныцекся случайхнень эзда, мзярда сёрматфтомань суммать коряс не могут улемс максфт сяда оцю достоинстваса облигацият.

4. Займань беспроигрышный выпускть коряс выигрышне латцевихть 3 тежянь, 1 тежянь, 500, 200 и 150 цалковайнь размерса 100 цалко-

(Полатксоц 2-це страницаса).

Колмоце пятилеткань (нилеце кизонь выпуск) Государственной займать нолдамани условиянза

Вайнь облигациян ланге, лувомок сей облигациян нарицательной питнеца (100 цалковай).

Займать 20 кизонь пингонь этаме выигрывает беспроигрышной выпусконь эрь облигациян.

Выигрывшай облигациян погашается и сядя товодонь тирашнени аф ноляви.

5. Займать комсь кизонь пингонь этаме беспроигрышной выпусконь коряс этафневи выигрышонь 80 тираж.

Выигрышнень тирашнень этафневи, ушedomок 1942 кизоста сязомок, нилень тираж эрь кизоня, ся пинкнень, конатнень латцесне ССР-нь Союзонь Финансонь Народнай Комиссариатсь.

6. Выигрышнень эрь тиражса беспроигрышной выпусконь эрь разрядть ланге, лиякс марьгоме, займань тя выпускть эрь 100 миллион цалковайн ланге, разыгрывается выигрышнень тяфтама лувкс:

Кизонь	КОДАМА ТИРАЖСА	Выигрышнень лувксна 3 тираж цалковайн	Выигрышнень лувксна 1 тираж цалковайн	Выигрышнень лувксна 500 цалковайн	Выигрышнень лувксна 200 цалковайн	Выигрышнень лувксна 150 цалковайн	Выигрышнень марстонь лувксна эрь тиражса	Выигрышнень марстонь суммасна эрь тиражса (цалковайн)
1	1—4 тирашнень эса налхови каж- найса	1	5	50	1000	10944	12000	1874600
2	5—8 тирашнень эса налхови каж- найса	1	5	50	1000	10944	12000	1874600
3	9—12 тирашнень эса налхови каж- найса	1	5	50	1200	7944	9200	1464600
4	13—16 тирашнень эса налхови каж- найса	1	5	50	1200	7944	9200	1464600
5	17—20 тирашнень эса налхови каж- найса	1	5	50	1200	7944	9200	1464600
6	21—24 тирашнень эса налхови каж- найса	1	5	100	1400	5794	7300	1207100
7	25—28 тирашнень эса налхови каж- найса	1	5	100	1400	5794	7300	1207100
8	29—32 тирашнень эса налхови каж- найса	1	5	100	1400	5794	7300	1207100
9	33—36 тирашнень эса налхови каж- найса	1	5	100	1400	5794	7300	1207100
10	37—40 тирашнень эса налхови каж- найса	1	5	100	1400	5794	7300	1207100
11	41—44 тирашнень эса налхови каж- найса	1	5	100	1400	5794	7300	1207100
12	45—48 тирашнень эса налхови каж- найса	1	5	100	1400	5794	7300	1207100
13	49—52 тирашнень эса налхови каж- найса	1	5	100	1400	5794	7300	1207100
14	53—56 тирашнень эса налхови каж- найса	1	5	100	1400	5794	7300	1207100
15	57—60 тирашнень эса налхови каж- найса	1	5	100	1400	5794	7300	1207100
16	61—64 тирашнень эса налхови каж- найса	1	5	150	1600	11044	12800	2059600
17	65—68 тирашнень эса налхови каж- найса	1	5	150	1600	15594	17350	2742100
18	69—72 тирашнень эса налхови каж- найса	1	5	150	1600	21494	23250	3627100
19	73—76 тирашнень эса налхови каж- найса	1	5	150	1600	31294	33050	5097100
20	77—80 тирашнень эса налхови каж- найса	1	5	150	1600	37194	38950	5982100
	Сембе 80 тирашнень эса налхови эрь 100 миллион цалковайн питне беспроигрышной выпусконь займать	80	400	8000	110400	881120	1000000	158888000

7. Облигациян, конатнени прасть выигрыш, могут улеме предъявлять пандоманди 1962 кизонь ноябрь 1-це шинь самс.

Тя пингть этамда меле пандоманди на предъявлять облигациян юмфнесазь вийснон и корязост питнес аф пандови.

8. Займать процентнай выпусконь коряс доход пинневи купоттнень коряс кизоти весть 4 процентонь размерса. Купоттнень коряс пандома пингесашенды ноябрь 1-це шистонза эрь кизоня ушedomок 1942 кизонь ноябрь 1-це шистонза.

9. Процентнай выпусконь облигациян пинневи 1957 кизонь ноябрь васенце шистонза сязомок вете кизонь кувалма пингс (1957, 1958, 1959, 1960, 1961 к. к.) эрь кизоня равнай частьса.

Облигациян, конат эривихть идемс 1957—1960 кизотнень, определяются погашениян эрь кизонь тиражса. Погашениян тирашнень этафтомаснонды пинкнень латцесне ССР-нь Союзонь Финансонь Народнай Комиссариатсь.

Облигациян идемост кирдиснонды облигациян нарицательной питнесна пинневи ся кизонь ноябрь 1-це шистонза ушedomок, конань эзда этаф тиражсь.

Облигациян, конат ашесть лис погашениян тиражть эса, итцевихть 1961 кизонь ноябрь 1-це шистонза ушedomок.

10. Облигациян коряс, конат лисеть погашениян тиражса, пинневи купоттнень питнеса, коза сувси ся купонце, конань сроко лисенди ноябрь 1-це шистонза ся кизоня, конань эзда этаф тиражсь. Сяда мельден пингонь купоттнень питнесна аф пинневи.

11. Процентнай выпусконь облигациян, конат подлежат идемс, а стане жа купоттне, конатнень пандома пингесна сазь, можнат пингтомс питнесна 1962 кизонь ноябрь 1-це шинь самс.

Тя пингть этамда меле, облигациян и купоттне, конат ашельхть предъявлять пандоманди, юмфнесазь вийснон и аф пинневи питнесна.

ССР-нь Союзонь Финансонь Народнай Комиссарсь
А. ЗВЕРЕВ.

ПРОТИВОПОЖАРНАЯ ДРУЖИНА РАБОТА

Нинге апрель ковста Мокшень Пашад велень противопожарной дружинат начальникоц Бородачев Семенць средняй школань старшай классонь ученикнень комсомолецнень и аф союзнай одломаттнень мархта тиендсь беседа велеса противопожарной дружинат ролени колга. Азондсь сян колга, кодама ою значения тя тевти максихть школьникне.

Тя беседа меле лама ученик сёрматфть противопожарной дружинати членкс. Сянь мархтост Бородачевс вяти занятия; лама содамами сязветь ученикне беседатнень эзда, тонадозь насость устройствови и противопожарной мероприятиен.

Лама улесь этафтф практический занятида, коза юнай пожарникне няфть аф кальдихть и пожаронь матома. Ученикне цебарьста шарьхкодезь сян, што эриви улеме сембе ширде достойнай боецкс и гражданинкс Советскай родинати.

Вас. Кирдяшкин.
Пурдошанский район.

ПАКСЯТНЕНЬ ЭЗГА

Вии агитмассовой работа вятихть комсомолецне Шмидть лемса колхозса. Паксяса колхозникнени тиендихть беседат, лувондихть свежай газетат, азонткшнесазь XVIII-це Всесоюзной партконференциян решениянзон.

Сембода цебарь агитаторкс лувондови Н. К. Надешкинць. Сонь беседанза этнихть пак интереснайста, увлекательнайста. Сон аф анык паксяса работайхнени лувонды газетат, но и МТФ-са работайхнень этксонга.

Комсомолецне изба-читальняса эрь илять тиендихть беседат и лекциян. Агитмассовой работась пак лездь трудть правильнайста организовадманцты.

И. Базаркин.
С.-Синдровань район.

Цебарьста ладяф трудовой дисциплинась «Путь к социализму» колхозса. Колхозникне ою мялеса тюрхихть, штобасатомс сталинский урожай. Трудонь сембода ою показателхть няфни 3-це бригадась, коза бригадиркс ащи Д. Кирдяевсь. Сонь бригадац тундань паксян работатнень эса сембе пингста мольсь инголи.

Работамста ингольден рятнень занцесазь комсомолецне. А. Муштаевсь, А. Кирдяевсь, Черанкин Иванць, Д. Сабаевсь, Кирдяев Ильясь и лиятне нормаснон эрь шиня пашкоткш-

несазь вельф. Тяда башка, комсомолецне колхозникнени обеденной перерывста лувондихть газетат, журналхт.

Вас. Сабаев,
А. Икомасов.

Ельниковский район.

Ою производственной подьема работайхть трактористне «Великий перелом» колхозса. Сянь этксост келиста келетьф социалистическай соревнованиясь. Эрь трактористсь старандай, штоба работамс аварияфтома, зря аф кархиямс горючайть.

Трактористне Великанов Андрейсь и Мишанин Василийсь эрь шиня выработкань нормаснон пашкоткшнесазь 180 процентс. Ня ялгатнень эзда аф лядондихть Кистинев и Ялгайкин.

Ою производственной показателхть няфнихть васенце и омбоце бригадань сеяльщикне. Киселев Николайсь, Медведев Иванць, Алашин Василийсь и лиятне эрь шиня выработкань нормаснон пашфнесазь 140—150 проц. Сянь кемокстафт сельхозвыставк 1941 кизонди кандидатокс.

Работамаса инголи моли Зобнина Варят звенап. Комсомольская организация ою лезксонц вельде ноляви стенгазета, коза выфневи пак цебарьста тундань видеа кампаниян эрафоп.

Зобнин.

Исарский район.

4-це № тракторной отрядс

Паксяса увнай трактор. Тя сокай Автайкин трактористсь. Сон 4-це № тракторной бригадаса работамста васенце трактористсь. Кивок сон аф сядсь. Ломатне колганза корхнихть, кода инь цебарь трактористонь колга.

Тяфтама трактористокс лувондови Миркинцьке. Сянь эрь сменастоть выработкань нормаснон пашфнесазь 150 процентс.

Автайкинць, аделамок сменанц, тракторной бригадаты бригадироц Бикеевсь мерсесы соваф площадть и кенердезь пеедзевсь.

— Молодец, нормась тага 150 пашкоткф.

Тяфтама трактористта аф фля 4-це № тракторной бригадаса. Сембе старандайхть сатомс трудонь ою производительностень показателхть.

Трактористнень эзда эфси аф лядондихть колхозникневок. Пизайхнень и алашаса сокайхнень мельге эрь шиня бригадирсь, мерамок участкаснон, ташни 1,50—1,70 трудови.

«17 лет Октября» колхозсь соревновандай Буденнайть лемса колхозть мархта. Дытов.
Сире-Шайговань район.

Наглядная пособия

1940—41 тонафнема кизоть ушedomста Малавонь средняй школаса улесь ланчф биологическай кабинет. Штобят кабинетсь улель сядя интереснай, штоба сон сядя пак лездоль естественнай наукатнень тонадомаснонды, ученикне максозь тя кабинету эсь гербарияснон, коллекцияснон и чучеласнон, конатнень сянь кочкесазь кизонь каникулатнень пингста.

Но аф анык каникулатнень пингста ученикне пашкоткшнесазь биологическай кабинетснон различнай нагляднай пособияса, но и тонафнема кизоть сембе пингстонза. Тялонда тиендеветь нармонень и разнай лия животнайн чучелат, каньстень ученикне живста животнайхть, нармотть и стак тов. 8-це классонь учениксь отличниксь Конаков Колясь кандсь черепахань кедь, корожень чучела. 9-це классонь учениксь Сараев Петясь и Дорожкин Ванясь кандсь кирьхсонь, сеелень и лия лама чучела.

Тонафнема кизоть пинцты биологическай кабинетса кармась улема лама нагляднай пособияда. Сянь этксост улихть пак питнихть и редкайхть. Ули мамонтонь пей, кона муф тяка жа райононь Ефаево велеть маласта. Ули оленень сюра и кедь, орелонь чучела, кона пак редкайста васьфневи минь ширесонк. Ою интерес максихть живой черепихатне, куйхне и стак тов.

Сембе чучелатне тиендеветь стане, кодама условиясь сянь эрйахть. Ою лезкс биологическай кабинетть оборудованьясь максеть юнаттне. Сянь кандеть коллекция—нармонень пиза. Тя коллекциясь пак лездь «Гнездование птиц» темат тонафтомасонза. Тяниень пингть ученикне естественнай наукатнень макссазь анык отличнай и цебарь отметка мархта. Тя тевса лама лездеть учебно-нагляднай пособиатне.

И. ДОРОЖКИН,

9-це классонь учениксь-юнатсь.

ИСПЫТАНИЯТНЕНЬ МОЛЕМАСНА

ЦЕБЯРЬСТА ОРГАНИЗОВАНДАМС ШКОЛЬНИКНЕНЬ ВАЙМАМАСНОН

Аделавсь тонафнема кизотъ нилеце завершающей четверте. Аф калдяв показательть сатсь Мокшень Мазканя велень аф полнай средняй школась ты четверть эзда. Кассть отличникнень и ударникнень лувксна, учительнень класснай журналгаст отличнай отметка мархта эвондасть од ломатть: Конов, Тананаев, Кудашкин, В. Кудашкина, Меришкина, Пвашкин и лият.

Школаса тани аделакшне-вихть тундань переводнай и выпускной испытанияне. Синь эсост лама ученик няфнихть отличнай содамаши. Тя нинге весть няфнесы, што школаса чебарьста ладяфоль методиковоспитательнай работась. Учительне путсь лама вийда, штоба школаса чебарьста ладямс дисциплинировать и посещаемость, конат макссть оцю лезкс успеваемость касфтома-са.

Ня сатфксень мархта рячок школать работаса улихть и аф сатыкстка. Аделакшневихть тундань испытанияне, ученикне кармайхть ваймама. Но Мокшень Мазканя велень школань ученикнень чебарьста, полезнайста кизонь каникулате аш коса этафоме. Школать администрация эфси ашезь арьсе, кода сьда чебарьста ваймалхть тонафнихне. Аф арьси аф пионерский лагерьхень колга, аф туристский похоттнень колга. Школать ваксса ули сад, участка, коса, можналь кизонда организовандамс пионерхень работася юннатонь кружокса, но тьянь шири кивок аф шарфни мяль. Чебарьста ваймамась, физический вийнь пуроптомась ученикни максси лама вийда, штоба од тонафнема кизоня тонафнема чебарьста.

А. Кудашкин.
Сире Синдровань район.

Валсон пяшкодезь

Тундань проверочнай испытанияне няфтезь, кодама содамаши сьасть ученикне кизоньберьф. Каньгуж велень средняй школаса лама ученик испытаниянень эса няфнихть отличнай содамаши. 10-це классонь учениксь Черапкин Ваясь, 9-це класса Сабаев Ваясь, Сабаев Александрь, 8-це класса Кирдяшкин Андрейсь, Автайкин Ваясь и лия классенень эзда ученикне получаст анычек отличнай отметкат. Ня ученикне нинге тонафнема кизотъ васень четвертьстонза сьавондсть обязательства, штоба сатоме оцю показательхть. Кропотливайста работамась, тонафнемать кельгомац няфтезь эсь результатенон.

Ученикне макссезь мелденъ испытаниянень и кармайхть полезнайста ваймама; кизонь каникулатнень пингста получайхть физический закалка и сай тонафнема кизоня кармайхть тонафнема сьадонга чебарьста.

Егор Кидямкин.
Ельниковский р-н.



СНИМКАСА: (кержи ширде види шири) машинистонь-помощниконь 5-це группань комсомолецне-отличникне Я. Мешеряков, В. Королев, М. Красовцев, П. Деровичев.

Фотось Касперть.

МЕЗЕ МАКСЬ ЭСЬ ПИНГСТОНЗА АНОКЛАМАСЬ

Проверочнай испытаниянень образцовайста васьфтезень Ошо Мокша Пашад велень средняй школаев. Программнай материалсь этаф полнайста. Тиендевь консултант и дополнительный занятия, конат макссть учащайхенди оцю лезкс материалъ тонадомаса. Испытанияне ушетфт организованнайста, расписаниянь коряс.

Лама ученик испытаниянень пингста няфтезь эсь отличнай содамаши. Тяфта Мукнаева, Чуваткин, Кирдяшкин, Кирдяшкина, Чушкаев ученикне билетса кизефксенди макссть полнай ответ.

Аф калдяв показательса

макссезь испытаниянень пионерхне, конат сембе пингть ашесть школаса инь примернай ученикок. Кирдяшкин, Чушкаев, Дворецкий пионерхне этаф ветеце клаести отличнай оценка мархта.

Но эриви азомс, што кой-кона класснай руководителхне калдявста тюреть чебарьста тонафнемать инкса. Тьянь колга чебарьста корхтайхть ся фактне, што улихть ученик, конат нльне атак нолдакт испытаниянь максма. Фомкин Николай, Натейкин Иван, Аф оськина ученикне сяс мес ашезь тонафне материалъ, васьфтезь испытаниянень 7—9 калдяв отметкаса.

Тяка школаса ниле кизот работай М. Я. Бородачева ялгась начальнай класснень эса учительницакс. Кельгомок эсь тевонц, сон путни лама вийда преподаваниять качествац чебарьгофтоманцы. Бородачева ялгась сатсь 100 процентнай успеваемость, лиякс марьгомс аш фьявок второгоник. Сатомок оцю успеваемость и сознательнай дисциплина, васенце классь получазе переходящай якстерь знамять.

Е. Кирдяшкин,
М. Пашад веле.
Пурдоманский район.

ОТЛИЧНОЙ И ЦЕБЯРЬ ОТМЕТКАТ

Испытанияне Конституциять коряс. Сисемце классонь ученикне састь школав ранакиге. Учихть ся пингть эса, мзярда кажнайсь сьави билет и няфтьсьне эсь содамашизон.

Конституциясь—ученикнень сембода кельгома дисциплина-

на. Кизоньберьф слянь тя дисциплинировать коряс тонафнесть анычек отличнайста и чебарьста. Чебарьста сонь преподаваниянц вьетеце Миронова ялгась. Уроконза ётнесть шарькодевица, интереснайста.

Макссть звонок и ушетдсть ис-

пытанияне. Ученикне отвечайхть билетса, Мионовать сембе кизефксонзон каршес. Результатт сатфт аф калдяфт. Ученикне максозь сонь отличнайста и чебарьста.

Н. Адмакин.
Рузаевский район.

99,1 процент успеваемость

Сембе профессияне минь странасонк почетнайхть, но сембода почетнайсь и пияк ответственнайсь—од поколенийть воспитандамац. Аф кржа вий, аф ёмла работа эриви, штоба шабати максомс прочнай содамаши, воспитандамс сонь коммунизмань духса. Тя пияк ответственнай тевть пиякотькшнесы Борковский начальнай школать заведующайц Федор Иванович Наумкинц. Сон вете кизот ни кода работай заведующайкс, а трудовой книжкасонза сёрматф, што сон 13 кизот ни работай народнай учителькс.

Кропотливай работань ня кизотнень пингста сон лама воспитандамс социалистический обществань строителда. Ламоц воспитанниконза работайхть учителькс, служайхть Якстерь Армияса командиркс, колхознень и лия предприятиятнень эзда руководителкс, ламоц воспитанниконзон эзда тонаф-

нихть средняй и высшай образованиянь школатнень эзда. Йотай кизонь выпусконц эзда лама тонафнихть Шонгар велень аф полнай средняй школаса. Вишняковсь, Ларкинц, Шукшинц и лиятне тонафнихть анычек отличнайста и чебарьста.

Федор Иванович корхтай: «Тейне Советский власть максозень работамс сембе условиянень и монцьке старандан, штоба эздон сон уэль довольнай». И, афкукс, сон ня валонза видет. Сьавомс тядленъ тонафнема кизотъ. Школась сатсь 99,1 процент успеваемость. Тя корхтай сьянь колга, што Наумкинц аф кржа вий путсь, штоба сатомс ня показателхнень. Школаса ладязе лац воспитательнай работать.

Наумкин ялгась эсь уроконзон этафнесыне нагляднай пособиань применяндазь, аноклакшнесы лац этави материалъ, старандай сонь азон-

домс стане, штоба уроксь шарькодеволь эрь ученикни. Тонафнемста оцю показателень сатомати лездсь ся, што сон кемоста кирди соткс шабатнень родительсон мархта, тиенди родительский собраният. Тя работась результатонзон няфтезень сембода пияк 4-це выпускной класса. Тундань проверочнай испытаниянень пингста фьявок ученик ашезь получа калдяв отметка.

Сембе тя оцю работада башка, Федор Иванович населенить ёткаса вяти массово-разъяснительнай работа, сон кочкаф велень Совету депутатокс.

Тяде чебарьста работаманкса РОНО-сь сонь кучезе 2 ковс ваймама Крыму. Тяфта работазь Федор Ивановичь оправдандакшнесы народнай учительнень лемть.

М. Нагаев.
Ковылкинский район.

10-це КЛАССОНЬ УЧЕНИКНЕНЬ МЯЛЬСНА

Сашендхть ся шитне, мзярда 10-це классонь ученикне аделасазь средняй образованияснон. Синь инголет панчфт сембе китне. Эрь чебарянь и стирнять пияшкоти заветнай мечтац:—мяльце арамс летчикокс—арак; мяльце учителькс—арак. Кодама тязя уле профессиясь—аш тейнза перьяфкс, анычек эриви сонь кельгомс и максомс тейнза сембе способностнень.

Од Выселка велень средняй школань 10-це классонь ученикне макссезь лядыкс испытаниянень. Синь сьда меле средняй образованияснон мархта кармайхть сатоме эстетист профессият. Малкинц корхтай: «Мон испытаниянень кирдсайне отличнайста и кеме содамашиса туян педагогический институт, штоба получамс народнай учительнень лем»; Тетерин Игнатийть мялец тумс военной училищав; Губинась ёрай тумс летнай школав.

Г. Лобурев.
3-Полянский район.

КОСА ЦЕБЯРЬСТА ЛАДЯФОЛЬ РАБОТАСЬ

Тядленъ тонафнема кизотъ эзда Глушковский средняй школаса лама преподавателъ няфтезь педагогический работаса оцю показательхть. 10-це классонь класснай руководителницась, учительницась Н. С. Смирновась эсь дисциплинац коряс сембе класснень эса сатсь 100 процентнай успеваемость. Сонь руководстванц ала работай юннатонь кружоксь.

Тяфтама результатт тя кизоня сатсь математикань преподавателсь М. Ф. Грачев ялгась. Сон математикать преподаваниянц сотнекшнесте практический работаса.

Школаса успеваемость коряс васенце васть занязе О. И. Чудаева учительницась—райсоветонь депутатсь.

Виктор Лобанов.
Кадошкинский район.

Путф вийсь стак ашезь юма

М. Козловкань средняй школань педагогический и ученический коллективне кизоньберьф кемоста тюреть школаса учебно воспитательнай работать чебарьгофтоманц инкса. Сембодонга пияк лама савсь работамс тейст испытанияненьди анокламать пингста. Тя этаффт работась стак ашезь юма, сон максозень эсь аф калдяв результатонзон.

Испытанияне няфнесазь, што ламоц ученикнень эзда тоннадозь аф калдявста программнай материалъ. Н. Глухов, А. Волков, М. Ефимова, А. Шишканова, О. Волкова, А. Ермолаев, М. Шишканова, А. Федоров, И. Волкова, Д. Ефимов, Н. Вельмов, Кондрашкин, С. Ананьева ученикне испытаниянень сембе дисциплинатнень коряс макссезь анычек отличнай и чебарь отметка мархта.

Чебарь сатфкт тонафнемань тевса няфнихть и старшай классонь ученикне: Маша Кушникина, Кондрашкин Мисашь, Елисеева Полясь, Канаев М., Бегаев Н., Шушкина А., Федькина Т., Федоров Ф. Синь получакшнихть испытаниянень эса отличнай и чебарь отметкат.

Е. Голосникий.
Атюрьевский район.

Европаса, Африкаса и Азияса войнась

(31-це майста и 1-це июньста военной действителнь диевниксна)

Германский авиациясь стаки бомбардировандай военной об-ектнень эса Англиять побережьяса. Германский сводкась корхтай колма английский пароходонь и фля подводнай лодкань ваяфтомать колга.

Англичатне исть тиенде воздушнай налетт Германиять и сонь кядьалонза ащи территори-ятнень лангс. Рейтер агентствась азондсы, што английский флотсь вешендсь «Принц Евгений» германский крейсерть. Вешемать эса примсхть участия корабльнень и самолетнень, конат музъ «Бисмарк» германский линкорть. Возмо-жна, корхтай агентствась, што «Принц Евгений» крейсерсь шоворсь кодама-кодама германский пловучай базас Центральнай Атлантикаса.

Кода азондсы Рейтер агентствась, английский военный министерствась сообщениасонза корхтати, 12 шинь бойда меле, конат ульсь марнек войнать пингста сембода вишкне, ульсь



Венгрия столицаса (Будапештса) Международнай выставкаса Советский павильонти очердсь.

Фотось ТАСС-ть.

примаф решения Крит остров-ста английский войскактнень сявомаснон колга. Аф ваномок противникть ширде оцю поте-ритнень лангс самолетса и люд-ской составса, арась няевиксе, што аш кода арьсемс сянь колга, што английский военно-морской и сухопутнай вийхне могут действовандам сяда товга Крит островса, аф получадак-шнемом сяда оцю поддержка авиациять ширде, чем стама, кодама сон максоволь Африка-са английский базатнень эзда действовандазъ. 15-шка тежянь английский войска сась ни Египету. Эряви признать, што англичатне лама юмафтсь.

Германский информационный бюротъ сообщениаси коряс, 31-це майста германский и итальянский частьтнень шоворемдот меле Перапетратъ маласа аделавать бойхне Крит островса. Англичатне ёрасть тумс Перапетрста аф оцю суд-на лангса, но тя пунктть оккупацияц шорясь английский планть пашкодемашты. Эва-куациясь аноклаф английский войскактнень срафтозень гер-манский авиациясь. Критть и Севернай Африкасть ёткаста ве-дены пространствать эса гер-манский авиациясь тись на-летт английский морской вий-хнень лангс, конат араляк-незъ войскактнень потамаснон. Стаки урядакшневихть ост-ровть внутренний районоза противникть эзда.

Ливияса существеннай ме-зевок ашель.

Абиссинияса, кода азондсы итальянский сводкась, ита-льянский гарнизонтне тиендихть сопротивления английский вой-скактнень сяда и сяда пях вииякшни натискснон каршес.

Юнайтед Пресс агентствать корреспондентоц азондсы, што 31-це майста ниле английский самолет бомбардировандазъ Нераб сирийский аэродромть.

(ТАСС).

Физкультурась и спортсь

Мокша ляйтъ эзга шлюпочнай поход

Мордовский республиканский Осведсь и МАССР-нь СНК-ть видеса физкультурань и спор-тонь тефнень колга комитетсь организовадась Мокша ляйтъ эзга Ковылкинаста—Темникову шлюпочнай поход. Сонь це-леп—кинъ кувалмос трудищай-хнень ёткаста ётафнемс беседат советский героический Военно-Морской Флотть и Всесоюзнай физкультурниконь шить колга. Майть 30-це шистонза Ко-вылкинский районнай СДК-са ульсь од ломанень вечер, ко-нат лемтьфоль шлюпочнай по-ходть честсь. Физкультурнай

и осводовский организация-нень задачаснон колга доклад-тись походть политрукоц М. Ба-лакшин. Сон эсь докладсонза тердсь од ломаттнень осводо-вечнень и физкультурникнень рядснон ёткаста анокламс эрь-шина пряцень социалистичес-кий родинать оборонанцы.

Шобдава майть 31-це шистон-за 13 инь цебарь физкультур-ник и осводонь активист Ко-вылкинский водоспасательнай станцияста тись старт 250 вай-гяльбень васте походе.

А. Абакумова.

Свободнай пингснон—физкультурати и спортти

Физкультурась и спортсь Рыбкинский средний школаса арась инь кельгови тевкс. Тейнза ученикне максесазъ свободнай пингснон сембода оцю палкснон. Комсомольский организациясь лыжной комсо-мольский кросса и гимнастичес-кий соревнованияса районца за-нязе 1-це васть и получазе рай-оннай физкультурань советть переходящай якстерь знамяни, и казф сонь похвальнай гра-мотасонза.

Тяни комсомольский органи-зациясь оцю вийса аноклай республиканский комсомольский газетатнень лемса од лoma-нень кроссти. Комсомолечнень цебарьста работамаснон вельде аф союзнай од ломаттневок фа-тяфт кроссти анокламаса.

Комсомольский кроссти

Республиканский комсомоль-ский газетатнень лемса од ло-манень кроссть оцю мялса уч-сы Мамолаевский средний шко-лась. Военруксь Е. Н. Жуков ялгась свободнай пингста вят-ти кроссти анокламаса ученик-нень ёткаста оцю работа.

Майть 15-це шистонза ушедсь ученикнень ёткаста ласкомаса тренировкась. Цебарь результат

ти шина няфтсь 5, 6, 8 и 10 классне. 10-це классонь уче-никатне Феня Анискинась, Нюра Печновась и Нюра Жу-равлевась ласкозь васенце ступенень ГТО-нь норматнень коряс 500 метратъ; 5—6 клас-сонь стирнятне ласкозь БГТО-нь норматненьди рассто-яниать.

Тренировкаса сембода цебарь показателхть няфнихть 8-це классонь ученикне. Школась кроссти аноклай сембе вийса, штоба сатомс ВЛКСМ-нь РК-ть переходящай якстерь знамяни.

Матвеев.

С.-Синдровский район.

ТОНАФНЕСАЗЪ РЕВОЛЮЦИОННАЙ ТЕОРИЯТЬ

Оцю мялса самостоятельна тонафнесазъ «ВКП(б)-ть исто-рияни Краткай курсон» Мок-шенъ Пашад велень средний школань ученикне. Лама уче-ник аделакшнесазъ ни сембе глататнень тонафнемаснон, эрь-главати тиендихть конспектт. Тяфтама ученикокс лувондо-вихть 9-це класста Чуваткин Степанъ и Маркинъ, конат тяни ашихть XII-це главать лангса. Сяка пингть, штоба сяда крхкаста шарьхкодемс материалъ, синь лувозъ В. И. Ленинонь исторический трудонзон, кода «Шаг вперед, два шага назад», «Что де-лать» и лиятнень.

В. Кирдяшкин.

Пурдошанский район.

Лермонтовский шитненди

Ня шитнень Вертелимекий средний школаса ульсь ётафть вечер, конат посвящевалъ М. Ю. Лермонтовонь юбилейн-ты. Поэтть эряфонци творчест-ванц колга доклад тись 10-пе классонь ученикас Богданова Зоясь. Сяда меле ученикне декламировандазъ Лермонтовонь стихотворениянзон. Хоровой кружоксь моразень «Нарус», «Воздушнай корабль» и лия произведенийнзон.

Мельцанский район.

Велеснон пижелгофтсазъ

Шокша велень колхозникне организовадась кярмодеть ась кудснон перф од шуфто-нянь озафнема. Майть 19-це шиницы 214 кудазор озафтсь 509 шуфтона.

Активный участия примайхть од шуфтонань озафтомаса сред-ний школань пионерхне: Ту-вайкинась, Кильковась, Черак-шевась и лиятне. Синь шко-лать вакс озафтсь 40 од шуф-тона. Шуфтонань озафнемась моли.

Теньгушевский район.

Школать перфке акация

Вов школьной участвас. Тяза школать директоронц ру-ководствани ала школьникне видестъ перень сёронь культу-рат. Синь ня культуратнень мархта кармайтъ тиендема практический опыт.

Тяда башка, школьникне озафнестъ школать перфке акация, разнай шуфтонят и касфтыхть панчфт.

Н. Кучин.

Ковылкинский район, Од Пшень веле.

ЦЕБАРЬ ПОЧТАЛЬОН

Нилеце кизось кода Порапа велеса сёрмань канникс рабо-тай Канайкин Федась. Ня ки-зотнень сон ётафтозень добро-совестнайста работаь. Велеса келиста келентезе газетатненьди и журналхненьди подписать. Тяни пятай эрь колхозниксь получадай газета и журнал.

Сонь почтовой отделениять ширде ашель фяков взыска-ния; газетатнень и сёрматнень каннесыне аккуратнайста, ве-леса польвовандай оцю авто-ритетса. Цебарьста работаман-кса сон аф вестъ казендезе почтовой отделениясь.

Сергин.

Велеса „Ленин в Октябре“ кинокартинась

Ня шитнень Левжа велеса ульсь няфтьф кинокартина «Ленин в Октябре». Пролетар-ский революциять великий ге-нийнц Владимир Ильичень об-разонц ваном акасть пятай сембе велеряхне.

Народсь кинокартинать эзда лядсь пях довольнайкс и же-ландась, штоба тяфтама кино-картинат эрляхть сяда сидес-та.

Адмакин.

Рузаевский район.

Ответ. редакторсь

И. ЧУДАЙКИН.

ЗАНИМАНДАМС ХОЗЯЙСТВЕННАЙ КИЗЕФКСНЕНЬ МАРХТА

Рыбкинский райононь ком-сомольский организациятнень ламосна мекольдень пингть кармасть примосема активнай участия колхозонь паксая работаснон эса авангарднай рольсост, няфнихть пример колхознай од ломаттненьди. Тяфтамкс лувондови 16 партсь-ездть лемса колхозонь пер-вичнай комсомольский органи-зациясь. Сембоц тяса кемонь комсомолецт, но и тьяок ащи оцю вийкс. Синь вийсна араф-нефт работань инь важнай участкатнень эзга.

Комсомольский организаци-ясь кунара ни пуроптьс ком-сомольско-молодежной звена, кона мельганза кемокстаф уча-сткаса тундань видеада инго-ле ётафть агрономический ме-роприятият. Сембе звенань четтне-работайхть видикс и инзайкс. Работаснон пашкот-кшнесазъ цебарь качества марх-та.

Тяка жа райононь Мичу-

ринть лемса колхозонь комсо-мольский организациясь ащи инициаторкс социалистический соревнованиять вишкотема. И аф стак, сявондемком пример комсомолечнень работаснон эзда, колхозникне ламода касф-тозь трудонь производитель-ностьснон, работайхть цебарь качества. Неяскин, Волков и Еремкин ялгатне эрь шина нормаснон пашкодемаснон пачфнесазъ 125 проценте. Кузнецов Кочкоровсь кярмодсь ни сёронь урядама кампани-ять ётафтоманцы эрявикс ин-вентартъ петеманцы. Сон пе-тезень ни жнейкатнень.

Ряпок цебарьста работай ком-сомольский организациятнень мархта улихть стапка, конат пях кржа занимадакшнихть производственной характера кизефкснень мархта, аф тюр-ихть трудонь производитель-ность касфтоманц инкса, а комсомольский организациятне-тянь эзда ашихть ширеса.

Парку велень Ворошиловть лемса колхозса (Ковылкинский район) трудовой дисциплинась ладяф калдывста, тягловай вийсь сембе аф использован-дакшнени паксая работатнень эса. Тянь сюнеда колхозсь лядон-ды фталу. Сокайхне нормаснон аф пашкоткшнесазъ, а нор-мань пашкодематни улихть сем-бе условиятне. Трактористтне тяфта жа нормаснон аф паш-коткшнесазъ.

Комсомольский организаци-ясь (секретарь Ларькинъ) аф вяти кодамовок массово-разъяснительнай работа кол-хозникнень ёткаста. А тя тей-нза ащи пях важнай задакак и почетнай тевкс. Аф пачф-невихть колхозникнень созна-ния партиятъ и правитель-ствать решениясна, аф полне-вихть стеной газетат и стак-тов.

Маластонь пингть комсомоль-ский организациятнень эсь работасост тя аф сатыкть эря-ви машфтомс и араме колхоз-ти инь активной помощикокс.

Метляков, Нагаев.